



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

XI. Baronius notatus, qui Pallium ait esse indumentum ecclesiasticum.
Ætate Theodosij Pallium non erat in usu apud Ecclesiam. Anastasius
Bibliocarius notatus.

urn:nbn:de:hbz:466:1-15617

cham Constantinopolitanum à sede sua dejectum, Pallium Imperatori Iustiniano reddidisse. *Anthimus*, inquit, *videns sē sede pulsum, Pallium quod habuit Imperatoribus reddidit*, id est, Iustiniano, conjugique ejus Theodorae. Nihil dici potuit apertius. Reddere enim ad eum refertur à quo res quāpiam accepta est. Sed ne quis hujus argumenti vim eludere se posse putet, eo prætextu, quod cūm Anthimus Iustiniani & Theodorae suffragatione ad hanc sedem promotus est, Pallium ob hoc eis reddere voluerit, addam & argumentum aliud ex eadem antiquitate petitum. Episcopus Arelatensis nova quadam & peculiari dignitatis prærogativa auctus erat beneficio Zozimi Summi Pontificis anno quadragesimo decimo septimo. Eam deinde auxit & Symmachus anno **D C X V**. fedit apostolica vicariatu per Gallias & Hispanias eidem Episcopo concessio. Auxanius ad hanc cathedram evectus anno quingentesimo quadragesimo tertio, præter vicariatum Papæ Vigiliij, Pallio etiam insigniri cupiit. quod Pontifex distulit, donec ab Imperatore Iustiniano probatum foret. Hujus autem dilationis hanc reddit rationem: *Vt & vobis gravior prefitorum causa reddatur, dum que postulatus, cum consensu Christianissimi Principis referantur, & nos honorem fiduci ejus servasse cum competenti reverentia judicemur*, id est, fidem servasse Imperatori cum reverentia debita. Et biennio post, cūm Episcopo illi morem gessisset secundum desiderium Childeberti Regis, eum hortatur ut preces ad Deum fundat pro Iustiniano & Theodora, qui, annidente Belisario, consenserant ut Auxanio vicariatus ille tribueretur, utque Pallium ad eum mitteretur: *qui pro his vestre caritati mandandis præbuere consensum*, inquit Vigilius Papa in epistola secunda ad Auxanium. Auxanio verò defuncto, successorem ejus Aurelianum eodem honore prosecutus est Vigilius, ut Regis Childeberti votis obsequeretur; sed epistola ad Aurelianum scripta, iussit ut Belisario grates ageret, qui & laborem & sumptus itineris, quod Aureliani tabellarius ad Iustinianum instituerat, sua cura abstulerat, & consensum Principis obtinuerat pro hoc beneficio. Gregorius tamen primus & vicariatum & Pallij usum continuavit anno **D X C V**. Virgilio Arelatensi Episcopo, non expectato consensu Imperatoris Orientis, sufficere videlicet ratus consensum Childeberti Regis Francie, quod usi jam receptum est ut Pallium tribueretur Episcopis Arelatensis. At sequenti anno, cūm Regina Brunechildis optaſſer ut Syagrius Episcopus Augustodu-

Tom. II.

nensis Pallio honestaretur, non refragatus est Pontifex, sed tamen non antē concessit quām consultus Imperator per Gregorij Diaconum in CP. urbe commorantem respondit sibi placere ut ita fiat: *Syagrio, inquit, Pallium dirigere secundum postulationem vestram voluimus. Propter quod & serenissimi Domni Imperatoris, quantum nobis Diaconus noster, qui apud eum responsa Ecclesie faciebat, innovit, prona voluntas est, & concedi hoc omnino desiderat*. Heic nunc interrogo, quā tandem ratio excogitari possit, qua ostendatur necessitas consensus Imperatoris ut Syagrius Pallium absque vicariatu concedi possit, & Auxanio Aurelianōque cum vicariatu conjunctū? Sanè nullam aliam reperiri posse arbitror quām jus illud quod sibi Imperatores retinuerant in concessione horum indumentorum: quāc cūm imperialis essent, & Summo Pontifici ceterisque Patriarchis concessa ab Imperatoribus, vulgaris non poterant absque eorum consensu, multò minus absque eodem consensu tribui poterant Episcopis Gallicanis; qui cūm Regis Francorum imperio subjiciēti essent, auctoritatem Imperatoris non agnoscabant. Indumenta quidem imperialia cum Rege Lazorum communicata sunt, sed à Iustiniano, ut Procopius scribit. Leges vero lāſam majestatem pronuntiant si quis utatur vestibus imperialibus. Par igitur erat ut Summus Pontifex Imperatorum consensu non destitueretur, quum Episcopis Gallicanis honorem illum recenter tribuebat. Ceterū necessitas illa consensus Imperatoris, ex dignitate Pallij petita, honorificentior haud dubiē est pro sede apostolica quām si quis eam arceſſat ab insita quibusdam opinione, non licere videlicet Summo Pontifici gratificari cuiquam Episcopo absque consensu Imperatoris. Extat in hanc sententiam locus singularis apud sanctum Gregorium, qui Imperatorem rogar ut Anatolius Patriarcha Antiochenus, qui sede sua pulsus erat, apud sedem apostolicam commorari possit, ac dignitatem suam retinere, *concessio usū Pallij*. Cur autem beneficium hoc ab Imperatore postulet Gregorius, nulla alia ratio esse potest quām quod Patriarcha ille Pallium ab Imperatoris munificencia habebat.

X I. Hieronymus Rubeus in historia Ravennatum edidit rescriptum quoddam sub nomine Imp. Theodosij, quo Princeps ille anno **C D X X I I**. plurimas civitates subjicit metropoli Ravennatenſi, Palliique usum Episcopo ejus concedit. Verū rescriptum illud omnino supposititum est, & egregie confutatum ab illustrissimo Cardinale Ba-

B b ij

Gregor. I. lib. 7.
ep. 5.

Gregor. lib. 8.
ep. 27.

*Vide supra lib. 5.
ep. 19. § 3.*

*Symmach. ep. xi.
Vide supra lib. 5.
ep. 19. § 2.*

*Vide supra lib. 5.
ep. 16.*

*Vigil. ep. 1. ad
Auxan.*

Vigil. ep. 5.

*Gregor. lib. 4.
§ 3.*

ronio, ipsa Latini sermonis spurcie omnen ejus auctoritatem elevate apud eruditos. In eo tamen cogor à Baronio dissentiri, quod enix contendat Pallium Episcopo tribui non posse ab Imperatore, eò quod indumentum sit ecclesiasticum. Nam præterea sūspicor Pallium ætate Theodosij non fuisse in usu apud Ecclesiam. Neque mihi admodum placet quod scribit Anastasius, Marcum Papam Episcopo Ostiensi concessisse ut Pallio uti possit in consecratione Summi Pontificis.

C A P V T VII.

Synopsis.

I. Ante annum sexcentesimum Pallium nemini antiſtitutum Gallicanorum tribuum est præter Arelatenſem, qui Vicarius eraſt sedis apostolicae.

II. In Concilio Matisconensi statutum est ne Archiepiscopi Missam celebrent absque Pallio. Quod intelligendum est de Pallio Gallicano, non autem de Romano id quod pluribus argumentis probatur.

III. Aëvo atri Gregory, Pallio ornabantur precepni Metropolite qui ad Romani Episcopi consecrationem perinebant, vel Vicary sedis apostolicae. An Gregorius confirmaverit ordinationem Leandri Hispanensis.

IV. Primus omnium Bonifacius Moguntinus induxit necessitatem Pallii Romani. Quonam consilio id factum. Eò traxit Episcopos specie honoris. Cuiusmodi fuerit Pallium per illas tempestates. Pallium est discreto inter Archiepiscopum & ejus Suffraganeos, ex Alcuino. Datur propter apostolicam vicem ex Rabano. Quo unico aſtu infraicta est auctoritas Metropolitanorum. Verba Hincmari Reſenſis referuntur, notata digna.

V. Necessitas obtinendi Pallii decreta in Orlava Synodo. Patriarcha Orientis Pallium ad Metropolitanos mittebant, sicut Summus Pontifex in Occidente. Balsamo illustratus. An Metropolitanus Orientis deponerent Pallium ante consecrationem corporis Christi.

VI. Cum Pallio novæ conditions à Summis Pontificibus imposta Metropolitanis, nimirum ut subjectionem & obedientiam apostolicae sedi pollicerentur. Novi bujuscjuris repertor Bonifacius Moguntinus. Quae antea erat Metropolitanorum professio. Veteres professionum formula.

VII. Sub Gregorio VII I. professio illa versa est in iuramentum fidelitatis.

VIII. Ea poſtremo formula vim juris communis obtinuit: que Principum iura atrociter violavit. Ita viſum Hungariorum anno millesimo centesimo secundo.

IX. Metropolitanis veitis consecrations Episcoporum, & synodorum celebrationes, donec Pallium acceperint. Primus ita pronuntiavit Nicolaus I. cuius sententia vim legis obtinuit apud posteros. Ins illud confirmaverunt quamplurima Decretales.

I. **N**UNC examinanda est tertia obſervatio noſtra, quam capite ſuperiori protulimus, nimirum, an omnibus Gal-

liarum Metropolitanis antiquitus pofitum in uſu fuerit ut Pallium à Romana ſede accepient. Ac primùm quidem queſtio hæc inutilis eſſe videbitur ei qui Vigilius Papa literas legerit; cùm in eis ſcriptum sit Pallium Episcopo Arelatenſi Auxanio confeſſum eſſe ob vicariatum ſedis apostolicae, atque adeo ad illum non pertinuisse jure proprio, eò quod Metropolitanus eſſet. Qui bū addi potest, neceſſarium fuſſe ut de eo ad Principem referretur, ut confeſſus ejus haberi poſſet. Vnde patet manifeſte, datum id extra ordinem, & ex privilegio, neque tribui potuſſe quin eodem tempore vicariatum tribueretur. Et quia, inquit Vigilius in epiftola prima ad Auxaniū, digna credimus ratione compleri ut agenti vices noſtras Pallii non defit ornatū. Idipſum probatur ex epiftola Pelagi priſti ad Sapaudum Episcopum Arelatenſem ſcripta anno D LVII. quo eum inſtituit Vicarium: Pariter etiam Pallium dirigentes; ut in tanti loci fastigio conſtitutus, preclaro quoque habitu decoreris. Itaque inſtitutum illud Pontificum Romanorum, ut ad neminem Episcoporum Gallicanorum mitterent Pallium, præterquam ad Arelatenſem, ut ea arte vicariam ejus dignitatē in ſublime evehenter, etiūque ab omnibus aliis Episcopis diſtinguerent, durauit uſque ad tempora beati Gregorij Papæ id eſt, uſque ad annum ſexcentesimum.

II. Non levis tamen diſſicultas adverſus hæc inſurgit, ex Concilio Matisconensi primo petita; in quo ſancitum eſt ut nullus Archiepiscopus præsumat Missam celebrare absque Pallio. Sed animadverbendum eſt Pallium iſtud non eſſe Romanum, non ſolum ob eam rationem quam ſtatiuſ propofui, illud eo tempore nulli alij Episcopo communicatum fuſſe præter Arelatenſem, ſed etiam quod Romani uſu non erat licitus præterquam in festis ſolennibus, ut conſtat ex Gregorio, qui hunc etiam fuſſe momenum Metropolitanorum Orientis docebat. At in canone iſto Matisconensi ſtatuitur ut Archiepiscopi Pallio utantur quoties facrum Missæ ſacrificium celebrauit. Indefinita enim hæc locutio eam vim habet ut vicem ſuppleat universalis propositionis: *Vt Archiepiscopus sine Pallio Missas dicere non præſumat*, Pallium itaque Archiepiscoporum Gallici diuersum erat à Romano, quantum ad ornaſſum & fastum; ac fortassis loro carebat, id eſt, iis fasciis quæ in indumentis imperialis ornandi cauſa inſuebantur, ut in donatione Constantini legitur: *Lorum, quod imperiale circumdare affolet collum*. Inde hand-dubie factum eſt, ut ego quidem exiſtimō, ut ſequentiis ætatis Pontifices, cùm Pallio